

# 欽定四庫全書

子部  
救荒本草卷四



南京中医药大学图书馆版权所有



詳校官中書臣竇汝翼

編修臣倉聖脈覆勘

欽定四庫全書

救荒本草卷四

白部

實可食  
 本草原有四種  
 新增二種  
 葉可食  
 本草原有六種  
 新增二種  
 根葉可食  
 本草原有四種  
 新增七種

第廿卷可食  
 本草原有三種

周王朱楠 撰

根及花皆可食

本草原有二種

根及實皆可食

本草原有一種  
新增一種

花葉皆可食

本草原有二種  
新增二種


莖可食

本草原有一種  
新增一種

笋及實皆可食

本草原有一種

雀麥 實可食 本草原有



雀麥

本草一名驚麥一名薺

音藥

生於荒野林下

今處處有之苗似驚麥而又細弱結穗像麥穗而極細  
小每穗又分作小叉穗十數箇子甚細小味甘性平無  
毒

救飢採子舂去皮搗作麵蒸食作餅食亦可

治病文具本草草部條下

回回米



回回米

本草名苡薏仁一名解蠱

音禹

一名屋茨

音毯

一名起實一名贛

音紺

俗名草珠兒又呼為西番蜀秫

音蜀

述生真定平澤及田野交趾生者子最大彼土人呼為

贛珠今處處有之苗高三四尺葉似黍葉而稍大開紅

白花作穗子結實青白色形如珠而梢長故名薏珠子


味甘微寒無毒今人俗亦呼為菩提子

救飢採實舂取其中仁煮粥食取葉煮飲亦香

治病文具本草草部苡薏仁條下



疾藟子



蒺藜子

本草一名旁通一名屈人一名止行一名

材

音柴


羽一名升推一名即藜一名茨生馮翊平澤或

道傍今處處有之布地蔓生細葉開小黃花結子有三  
角刺人是也性苦辛性溫微寒無毒烏頭為之使又有  
一種白蒺藜出同州沙苑開黃紫花作莢子結子狀如  
腰子樣小如黍粒補腎藥多用味甘有小毒

救飢收子炒微黃搗去刺磨麵作燒餅或蒸食皆可

治病文具本草草部條下

榮子





榮子

本草名苧

同與榮

實處處有之北人種以打繩

索苗高五六尺葉似芋葉而短薄微有毛澁開金黃花  
結實殼似蜀葵實殼而圓大俗呼為榮饅頭子黑色如  
踴豆大味苦性平無毒

救飢採嫩榮饅頭取子生食子堅實時收取子浸去  
苦味晒乾磨麵食

治病文具本草草部苧實條下

稗子 新增




稗子 有二種水稗生水田邊旱稗生田野中今皆

處處有之苗葉似稗子葉色深綠脚葉頗帶紫色梢頭  
出匾穗結子如黍粒大茶褐色味微苦性微溫

救飢採子搗米煮粥食蒸食尤佳或磨作麵食皆可

穆子





穆子

生水田中及下濕地內苗葉似稻但差短梢

頭結穗彷彿稗子穗其子如黍粒大茶褐色味甘

救飢採子搗米煮粥或磨作麵蒸食亦可

川穀

